



Arkivnr: 2016/957-1

Saksbehandlar: Hanne Espe og Britt Karen Spjeld

### Saksframlegg

#### Saksgang

Utval	Saknr.	Møtedato
Utval for kultur, idrett og regional utvikling		16.02.2016

#### **Retningsliner for tilskot til regionale prosjekt knytt til folkehelse/ sykkelmanar for barn og ungdom**

Fylkestinget vedtok i desember 2015 å setje av kr 500.000 til prosjekt sykkel VM og folkehelse/ sykkelmanar. Arbeidet med å auke bruken av sykkel til framkomstmiddel, trening og rekreasjon er forankra i Regional plan for folkehelse 2014-2025, Klimaplan for Hordaland 2014-2030 og Regional kulturplan 2015-2025.

Føremålet med tilskotsordninga «Regionale prosjekt knytt til folkehelse/ sykkelmanar for barn og ungdom» er å bidra til å få fleire born og unge i Hordaland til å sykle som transport, rekreasjon og trening. Bruken av desse midlane vert sett i samanheng med andre fylkeskommunale verkemiddel og ressursar frå kommunar, private og frivillige organisasjonar. Målet er at tiltaka skal kunne leve vidare også etter sykkel VM i 2017.

I saka vert framlegg til retningsliner for ordninga lagt fram.

#### Forslag til vedtak

Utval for kultur, idrett og regional utvikling vedtek retningslinene for tilskotsordninga *tilskot til regionale prosjekt knytt til folkehelse/ sykkelmanar for barn og ungdom* slik dei ligg føre i vedlegg til saka.

Rune Haugsdal  
fylkesrådmann

Per Morten Ekerhovd  
konst. fylkesdirektør, kultur, idrett

*Saksframlegget er godkjent elektronisk og har derfor ingen underskrift.*

**Fylkesrådmannen, 22.01.2016**

Under er retningslinene som vert lagt fram for vedtak. I tillegg vil det kome lenke til søknadsskjema, skjema for finansiering og budsjett samt eit skjema for rapportering.

**Føremål** Ordninga skal bidra til å få fleire born og unge i Hordaland til å sykle som transport, rekreasjon og trening.

**Kven kan søkje** Frivillige organisasjonar og fylkeskommunen. Det vert ikkje gjeve tilskot til fortenevestebaserte verksemder.

**Søknadsfrist** 1. april

**Kva kan støttast** Regionale prosjekt med tiltak i minst fire kommunar med mål om varing endring i barn og ungdom sine sykkelmanar.

Tiltaka skal gje ny kompetanse og ha overføringsverdi til andre kommunar.

Tiltak der målgruppa har medverka vert prioritert. Det vert oppmoda til samarbeid mellom det offentlege og organisasjonar. Tiltak for å nå minst 60 minutt fysisk aktivitet kvar dag i grunn- og vidaregåande skule vert prioritert.

**Støttenivå** Gode prosjekt vert støtta med tilskot frå kr 100.000- til kr 500.000.

Fylkeskommunalt tilskot kan ikkje vere høgare enn 50 % av dei totale ressursane for prosjektet. Dugnad kan reknast som eigenfinansiering (inntil kr 300,- pr/time).

**Krav til søknaden** Søknaden skal innehalde tilstrekkeleg informasjon/ dokumentasjon til at vedtak kan gjerast. Søknaden skal fremjast på elektronisk søknadsskjema og m.a. innehalde:

1. Dokumentasjon som kort gjer greie for målet for tiltaket, korleis arbeidet er planlagt gjennomført, kven som er involvert, framdriftsplan og ei skildring av korleis tiltaket skal vidareførast etter tilskotsperioden.
2. Finansieringsplan/budsjett for tiltaket. Om tiltaket er støtta/søkt om frå andre fylkeskommunale/statlege tilskotsordningar, skal dette informerastom i søknaden. Mangelfull søknad vert ikkje handsama.

**Vilkår for tildeling** Følgjande vilkår må vere oppfylt for at tilskot skal kunne tildelast:

Midlane skal gå til regionale prosjekt med tiltak i minst fire kommunar med mål om varing endring i barn og ungdom sine sykkelmanar. Tiltaka skal sjåast i samanheng med andre tiltak som bidrar til å få fleire born og unge i Hordaland til å sykle som transport, rekreasjon og trening.

Det kan ikkje søkast om tilskot til anlegg og ordinær drift av aktivitetar. Tilskot til tiltaket kan ikkje overstige 50 % av den totale kostnaden. Tiltaket må gjennomførast innan 1. juli året etter tildelingsåret.

### **Ytterlegare moment ved skjønnsutøvinga**

Tildeling av tilskot til søknadar som fyller grunnvilkåra vert vurdert med utgangspunkt i føremålet med ordninga, der det m.a. vert lagt vekt på følgjande moment:

1. I kva grad det har vore medverknad frå målgruppa i utvikling og gjennomføringa av tiltaket.
2. I kva grad det er samarbeid med andre aktørar (kommunar/fylkeskommune og organisasjonar).
3. I kva grad bygger tiltaket ny kompetanse og har overføringsverdi.

### **Sakshandsaming og vedtak**

Forvaltningslova skal leggjast til grunn for all søknadshandsaming i Hordaland fylkeskommune. Alle søknader er offentlege. Kultur- og idrettsavdelinga førebur søkerne for politisk handsaming og vedtak i Utval for kultur, idrett og regional utvikling.

Handsaming av kvar søknad er eit einskildvedtak og innstilling skal grunngjenvast i saksframlegget. Vedtak som skil seg frå fylkesrådmannen si innstilling skal også grunngjenvast.

**Rapportering/kontroll** Sluttrapport skal sendast Hordaland fylkeskommune innan 1. juli påfølgande år. Den skal innehalde:

1. Ei kort skildring av gjennomførte tiltak og ev. avvik frå planen for tiltaket.
2. Rekneskap m/oversikt over kostnader og finansiering.  
Ev. dokumentasjon i form av foto, link til nettside, avisutklipp e.l.

Hordaland fylkeskommune og fylkeskommunen sin revisor skal ha rett til innsyn i rekneskap og dokumentasjon i slik grad som fylkeskommunen og revisor finn naudsynt av kontrollomsyn. Administrasjonen kan gje utsetjing frå kravet om frist for innlevering av sluttrapport ved særlege høve. Brot på krava til rapportering/kontroll kan føre til at tilsegn vert gjort om heilt eller delvis.

**Misleghald** Om tiltaket ikkje vert gjennomført skal midlane førast attende til fylkeskommunen. Vesentlege avvik frå prosjektsøknaden kan føre til tilsegn vert gjort om heilt eller delvis.

**Klage** Vedtaket kan pålagast i medhald av forvaltningslova § 28. Klagenemnda for Hordaland fylkeskommune er klageinstans for vedtak knytt til midlar løyvd frå Hordaland fylkeskommune. Klage vert sendt til Hordaland fylkeskommune, Kultur- og idrettsavdelinga. Klagefrist er tre veker frå søker mottek melding om vedtaket. I Hordaland fylkeskommune sitt brev til søkerane om vedtak, skal det mellom anna opplysast om klagetilgang, klagefrist og partsinnsyn mv. jfr. forvaltningslova § 27 tredje ledd.

**Kontaktperson** Britt Karen Spjeld; [britt.karen.spjeld@hfk.no](mailto:britt.karen.spjeld@hfk.no) /tlf: 45666326